

# Greenland Oil Spill Response A/S



**Ukiumoortumik**

**nalunaarusiaq 2014**

1. januar – 31. december 2014

Greenland Oil Spill Response A/S  
REG-nr. A/S517428  
GER nr. 12663765



## Imaasa allattorsimaffiat

### Atsiornerit

Aqutsisuusut atsiornerat.....	1
Kukkunersiuisartup arlaannaannulluunniit attuumassuteqanngitsup atsiornera .....	2
Ingerlatseqatigiiffik pillugu paasissutissat .....	5
Aqutsisut nalunaarutaat.....	6
Uuliamik akiuniarnermut atortut.....	8
Ingerlatseqatigiiffiup aqutsisui .....	12
Nassuiaatit.....	24



## Aqutsisuusut atsionerat

Siulersuisut aqutsisooqatigiillu ullumi ulloq Greenland Oil Spill Response A/S-mut ukiumut naatsorsuusiortiusumut 1. januar - 31. december 2014-imut ukiumoortumik nalunaarusiamik saqqummiussipput.

Ukiumoortumik nalunaarusiaq ukiumoortumik nalunaarusiortarnermut inatsimmut naapertuuttumik saqqummiunneqarpoq.

Naatsorsuusiortarnermut suleriaaseq toqqarneqartoq tulluurtutut isigaarput, aammalu isumarput malillugu ukiumoortumik nalunaarusiaq ingerlatseqatigiiffiup pigisaannut nalilinnut, aningaasartuutaannut aamma ulloq 31. december 2014 aningaasaqarnikkut inissisimaneranut kiisalu ukiumut naatsorsuusiortiusumut 1. januar - 31. december 2014 ingerlatseqatigiiffiup ingerlataasa aningaasanillu ingerlaartitsinerata inerneru eqqortumik takussutissiilluni.

Isumarput malillugu aqutsisut nalunaarutaat pissutsinut nalunaaruteqarnermi pineqartunut eqqortumik nassuiaanernik imaqarpoq.

Ukiumoortumik nalunaarusiaq ataatsimeersuarnermi akuersissuteqarfigineqassasoq inassutigineqarpoq.

Nuuk, ulloq

### Pisortat

Lonnie Bogø Wilms  
Pisortaq

### Siulersuisut

Steen Ove Hansen  
Siulittaasoq

Oddbjørg Varhaug Greiner  
Siulittaasup tullia

Hanne Berthels



## Kukkunersiuisartup arlaannaannulluunniit attuumassuteqanngitsup atsiornera

### Greenland Oil Spill Response A/S-mi aktiaatilinnut

#### Ukiumoortumik nalunaarusiamut oqaaseqaatit

Ukiumut naatsorsuusiortarfiusumut 1. januar - 31. december 2014-mut Greenland Oil Spill Response-mut ukiumoortumik nalunaarusiaq kukkunersiorparput, tassani ilaallutik naatsorsuusiornermi aqutsisut atsiornerat, aqutsisut nalunaarutaat, naatsorsuuserinermi suleriaaseq atorneqartoq, angusat naatsorsorneqarnerat, oqimaaqatigiissitsineq, aningaasat ingerlaarnerannut naatsorsukkat aamma nassuiaait. Ukiumoortumik nalunaarusiaq ukiumoortumik naatsorsuutitut inatsit malillugu suliarineqarpoq.

#### Ukiumoortumik nalunaarusiamut aqutsisut akisussaanagerat

Ukiumoortumik nalunaarusiamik ukiumoortumik naatsorsuusiortarnermut inatsimmut naapertuuttumik eqqortumik takutitsiviusumik suliaqarnermut aqutsisut akisussaasuupput. Aammattaaq ukiumoortumik nalunaarusiamik, peqquserlunnerit imaluunniit kukkunerit apeqqutaatinnagit annertuumik kukkusunik paasissutissartaqanngitsunik suliaqarnissamut suliffiup iluani misissuisarnissamut aqutsisut pisariaqartutut isigisaannut aqutsisut akisussaasuupput.

#### Kukkunersiuisup akisussaanagera

Kukkunersiuisup tunngavigalugu ukiumoortumik nalunaarusiaq pillugu inerniliinissaq uagut akisussaaffigaarput. Kukkunersiuisarneq pillugu nunani tamalaani malitassanut aammalu danskit kukkunersiuisarnermut inatsisaat malillugit piunasaqaatinut naapertuuttumik kukkunersiuisup ingerlapparput. Tamatumani pisariaqarpoq ileqqorissaarnissamut piunasaqaatinik malinninnissarput kiisalu ukiumoortumik nalunaarusiaq annertuumik kukkusunik paasissutissartaqannginnerisooq pillugu annertuumik qulakkeerinninnissaq anguniarlugu, kukkunersiuisup pilersaarusiorlutalu suliarinninnissarput.

Ukiumoortumik nalunaarusiami aningaasartanut paasissutissanullu kukkunersiuisup uppersaatsarsiniarluni kukkunersiuisup iliuuseqarnermik suliaqarneq, kukkunersiuisup ilaatinneqartarpoq. Kukkunersiuisup iliuuseqarnermut toqqarneqartunut kukkunersiuisup naliliinera apeqqutaasarpoq, ilanngullugit peqquserlunnerit imaluunniit kukkunerit apeqqutaatinnagit ukiumoortumik nalunaarusiami annertuumik kukkusunik paasissutissartaqarsinnaanerata aarlerinaateqarneranik nalilersuinerit. Aarlerinaataasunik nalilersuinerimik, suliffiup iluani misissuisarneq ingerlatseqatigiiffiup ukiumoortumik nalunaarusiamik eqqortumik takutitsisumik suliaqarneranut attuumassuteqartoq, kukkunersiuisup isumaliutersuutigisarpa. Tamatumani siunertaavoq kukkunersiuisup iliuuseqarnermut pisut malillugit naleqquttut ilusilersorneqarnissaat, kisiannili ingerlatseqatigiiffiup suliffeqarfiup iluani misissuisarnerata sunniuteqarluarnera pillugu inerniliinermik takutitsiniarnerunani. Aammattaaq kukkunersiuisup aqutsisut naatsorsuusiornermi suleriaatsimik toqqaanerata naleqqunnersooq pillugu, aammalu aqutsisut naatsorsuutitigut missiliuinerata naleqqunnersooq pillugu naliliineq kiisalu ukiumoortumik nalunaarusiamik ataatsimut isigalugu saqqummiineq ilaatinneqarput.

Paasinninnerput malillugu kukkunersiuisup uppersaats anguneqartoq naammappoq aammalu inerniliinitsinnut tunngavissatut naleqqulluni.



Kukkunersiueq tunuarsimaarfeqarnissamut pissutissaqalersitsingilaq.



## **Inerniliineq**

Paasinninnerput malillugu ukiumoortumik nalunaarusiaq ingerlatseqatigiiffiup pigisaannut, aningaasartuutaannut aammalu 31. december 2014 aningaasaqarnikkut inissisimaneranik eqqortumik takutitsivoq kiisalu ingerlatseqatigiiffiup ingerlataannut aamma ukiumut naatsorsuusiorfiusumut 1. januar - 31. december 2014 aningaasanik ingerlaartitsinera ukiumoortumik naatsorsuusiornermut inatsimmut naapertuulluni.

Nuuk, ulloq

## **Grønlands Revisionskontor A/S**

Kukkunersuiisartut naalagaaffimmit akuerisaasut

Per Laugesen

kukkunersuiisartuq naalagaaffimmit akuerisaasut



## Ingerlatseqatigiiffik pillugu paasissutissat

### Ingerlatseqatigiiffik

Greenland Oil Spill Response A/S  
Aqqusinersuaq 48A  
Postboks 4051  
3900 Nuuk

REG-nr.: 517428  
Pilersinneqarpoq: 20 juli 2012  
Angerlarsimaffia: Kommuneqarfik Sermersooq  
Ukioq

naatsorsuusiorfiusoq: 1. januar – 31. december

### Siulersuisut

Steen Ove Hansen, Grundtvigs Alle 5, st., DK-6700 Esbjerg,  
Siulittaasoq  
Oddbjørg Varhaug Greiner, Lindevejen 71, N-4314 Sandnes,  
Siulittaasup tullia  
Hanne Berthels, Kangillinnguit 5, 3905 Nuussuaq

### Aqutsisooqatigiit Aqutsisoq

Lonnie Bogø Wilms, Innannguaq 4b, 3900 Nuuk,

### Kukkunersiuiineq

Grønlands Revisionskontor A/S, kukkunersiuisartut  
naalagaaffimmit akuerisaasut

### Aningaaserivik attaveqarfigineqartooq

Grønlandsbanken, Postboks 1033, 3900 Nuuk

### Eqqartuussissuserisut attaveqarfigineqartut

Lett Advokatpartnerselskab, Rådhuspladsen 4, DK - 1550  
København V



## Aqutsisut nalunaarutaat

### Suliffeqarfiup ingerlatai pingaernerpaat

Ingerlatseqatigiiffiup ingerlataa pingaerneq tassaavoq, uuliamik mingutsitsinissamut upalungaarsimanermut, uuliamik mingutsitsinermik akiuiniarnermut, uuliamik mingutsitsinerup kingorna avatangiisini saliinermut allanillu Kalaallit Nunaanni aatsitassanut suliassaqarfiup iluani assingusunik suliqaarnermut tunngatillugu suliffeqarfimmi niuerneramik tunngaveqartumik ingerlatsinissaq.

### Ingerlatat ineriartornerat aamma aningaasaqarnermi pissutsit

2014 uuliasiorluni misissuinermit suliassaqarfimmi naatsorsuutigineqartumik suliqartoqanngikkaluartoq, suliarpassuaqarluni Greenland Oil Spill Response-mut ulapaarfiusimavoq.

Aatsitassarsiorfiutileqatigiiffiit Greenland Oil Spill Response-p sullitarisai aammalu Kalaallit Nunaanni oqartussaasut, ingerlatseqatigiiffiup ineriartorteqqinneqarnissaanut tunngatillugu qanimut oqaloqatigineqarput, tamatumalu ilaatigut kingunerisaanik uuliamik mingutsitsinermik akiuiniarnermut atortut ingerlatseqatigiiffiup pigisai, imaatigut nuna tamakkerlugu aammalu sukkanerusumik aallartitsisarnermi pitsaanerusumik sullissisinnanissaq qulakkeerniarlugu Kangerlussuarmit Nuummumut aamma Aasiannut nuunneqarput. Taamatuttaaq Greenland Oil Spill Response avataaniittunut uuliamik mingutsitsinermik akiuiniarnermi aamma upalungaarsimanermi pikkorissaanernik ingerlatsivoq, tamannalu annertoorujussuarmik iluatsitsiviuvoq aammalu ingerlatseqatigiiffiup atortui tamatuma kingunerisaanik sukumiisumik misilerarneqarlutik aamma uuliamik mingutsitsinermik akiuiniarnermut tunngatillugu Kalaallit Nunaanni ilisimasaqarneq annertunerulerluni.

Greenland Oil Spill Response aamma ilisimasanik paarlaasseqatigiinnissamut aammalu nunani tamalaani suleqateqarneq nukittorsarniarlugu nunani allani uuliamik mingutsitsinermut akiuiniarnermut suliffeqarfimmi qanimut oqaloqateqarpoq, tamannalu ilaatigut nunani tamalaani ingerlatseqatigiiffimmut tusaamasaasumut Oil Spill Response Limited-imut Memorandum of Understanding-imik kinguneqarpoq.

Taamaattoq sinerissap avataani suliassaqarfimmi suliqartoqannginnerata aammalu Grønlandshavet-imi uuliasiorluni misissuinissamut akuersissutit tunniunneqartut naatsorsuutigineqartumit ikinnerunerisa kingunerisaanik, naatsorsuutigineqartunit ikinnerusunik isertitaqartoqarpoq.

Ukiumi ilanngaaseereerluni kaaviiartitat ukioq kingulleq 2.951.200 koruuniusut ukioq manna 3.957.641 koruuniupput. Akileraaruteqarenermi angusat nalinginnaasut ukioq kingulleq -47.950 koruuniusut ukioq manna -228.587 koruuniupput. Aqutsisut ukiumi angusat, ukioq kingulleq angusanut sanilliullugit, naammaginatutut isigaat.

### Niuerfiup ineriartornera

Greenland Oil Spill Response Kalaallit Nunaanni ingerlatseqatigiiffimmit uuliakoornissamut upalungaarsimanerup iluani suliassaqarfimmi niuerneramik ingerlatsisunit kisiartaavoq, kisianni uuliakoornissamut upalungaarsimanermut niuerfik Kalaallit Nunaanni suli inerilluarsimangilaq.





Aatsitassarsiornermut periusissap nutaap atuutilernerani aammalu nalinginnaasumik niuerfiup ineriartornerani naatsorsuutigineqarpoq niuerfik ukiut marlussuit qaangiuppata Qeqertarsuup Tunuata kitaani sumiiffimmi, Baffin Bugtimi aamma Grønlandshavet-imi uuliasiorluni misissuineramik ingerlataqarnissat naatsorsuutigineqartut annertusiartornissaat naatsorsuutigineqarmat, inerinnerulersimassasoq.

Greenland Oil Spill Response ineriartorteqqinniarlugu aammalu uuliasiorluni misissuinerami ingerlataqarnerit annertussusissaattut naatsorsuutigineqartut naammassisinnaajumallugit, ingerlatseqatigiiffik Kalaallit Nunaanni nammineq kajumissutsimik uuliamik mingutsitsineramik akiuniarnermut aqqissuussaaneermik pilersitsiniarluni suliaqarpoq, kattuffimmut tassunga aallaaviussapput Nuuk aamma Aasiaat, taakkunani ingerlatseqatigiiffiup atortui inissisimallutik, taamaaliornikkut Greenland Oil Spill Response sukkanerusumik najukkami uuliamik mingutsitsineramik akiuniarnerup qulakkeernissaanut aammalu ingerlatseqatigiiffiup sullitaasa uuliamik mingutsitsineramik akiuniarnermik sullissinernut kissaatigisaannik naammassininnissamut aammalu najukkami suliaqartunik atuinissamik peqataasinnaavoq.

### **2015-imi naatsorsuutigisat**

2015-imut naatsorsuutigisaqarneq annertunngilaq, tassami 2015-imi uuliasiorluni misissuineramik suliaqarnerit annertussusissaat, 2014-imi annikitsumik annertussuseqartut assigalugit inissisimassasoq paasinarpoq. Taamaattoq ingerlatseqatigiiffiup naliliinera sulitassaavoq, ingerlatseqatigiiffiit uuliasiorluni misissuineramik ingerlataqarnissamik pilersaaruteqartut ikittuinnaaneranni, atortunik pingaartuunermillu aqqissuussanik piviusumik sillimanissaq pisariaqartinneqassasoq.

### **Ukiup naatsorsuusiorfiusup naareernerani pisut**

Ukiup naatsorsuusiorfiusup naareernerani ingerlatseqatigiiffiup aningaasatigut inissisimaneranik annertuumik nikisitsisussamik pisoqannngilaq.



## Uuliamik akiuiniarnermut atortut

Greenland Oil Spill Responsep uuliamik mingutsitsinermik akiuiniarnissamut atortui pigineqartut 2014-imi aasaanerani Kangerlussuarmi mittarfimmit Nuuummi aamma Aasianni umiarsualivinnut nuunneqarput, tassami ingerlatseqatigiiffiup taamanikkut aammalu sulii naliliinera tassaavoq, atortut sumiiffinnut marlunnut taakkununga inissinneqarneranni maannakkorpiaq Kalaallit Nunaanni uuliamik mingutsitsinissamut upalungaarsimanermut ingerlatseqatigiiffiup sullitaasa pisariaqartitaat pitsaanerpaamik naammassineqarsinnaasut. Uuliamik mingutsitsinermik akiuiniarnermut atortut pigineqartut tassaapput atortut annertoorujussuit Kalaallit Nunaanni pissutsinut naleqquttut.



### ***Ro-Clean Desmi Troil Boom afpu750***

*Suussusaa:  
Sinerissamut  
qanittumi puttasut  
assiaqtsersuutit*

*Amerlassusai: 280 x  
20m*

Troil boom AF750PU tassaavoq assiaqtsersuut puttasooq oqitsooq pullanneqarsinnaasoq, sukkasuumik pisariitsumillu uulia ungalullugu uninngatitsisinnaasussatut ilusilersugaaasoq aammalu pingaartumik umiarsualivinni, umiatsialivinni, kuunni, sineriak sinerlugu aammalu kuuit paavanni uulia ungalullugu uninngatinnissaanut naleqquttuulluni.



### ***Ro-Clean Desmi Troil Boom GP750***

*Suussusaa:  
Sinerissamut  
qanittumi puttasut  
assiaqtsersuutit*

*Amerlassusai: 112 x  
25m*

TROILBOOM GP ("General Purpose") tassaavoq puttasut assiaqtsersuutit oqitsut skumimik imaqartut, sukkasuumik pisariitsumillu uulia ungalullugu uninngatitsisinnaasussatut ilusilersugaaasoq aammalu pingaartumik umiarsualivinni, umiatsialivinni, kuunni, sineriak sinerlugu aammalu kuuit paavanni uulia ungalullugu uninngatinnissaanut naleqquttuulluni.



***Ro-Clean Desmi  
Troil Boom Beach***

*Suussusaa:  
Sinerissamut  
qanittumi / puttasut  
assiaqtsersuutit  
inaat*

*Amerlassusai: 268 x  
10m*

Troil Boom Beach tassaavoq puttasut assiaqtsersuutit imermik oqimaaloqutaqartinneqartut immikkut ilusilersugaasut. Imeq oqimaaloqutsiussa q ruujorit marluk puttasut assiaqtsersuutit naqqa sinerlugu siaarsimasut aqutigalugit immiunneqartarput aammalu puttasut assiaqtsersuutit puttanneranni oqqajaallisaatitut aammalu puttasut assiaqtsersuutit immap naqqanut tukkaagata tingerlaatitut atorneqartarluni. Taamaattumik puttasut assiaqtsersuutit taamaattut sissani, masarsunni aamma sumiiffinni ikkattumiittuni allani uulia ungalullugu uninngatinnissaanut naleqquttorujussuupput



***Ro-Clean Desmi  
OM140***

*Suussusaa: Rope  
mop katersuissut*

*Amerlassusai: 28*

OM140 tassaavoq taaneqartartoq "rope mop katersuissut" pisariitsoq, kisianni sunniuteqarluartoq. Katersuissutit taamaattut ukiorpassuarni iluatsilluartumik nunarsuaq tamakkerlugu imaani uuliamik mingutsitsinermi katersuissutitut atorneqarsimapput.



### ***Vikoma Mini Vac system***

*Suussusaa: Vacuum katersuissut*

*Amerlassusai: 28*

Mini Vac katersuissutit Vikoma-meersut katersuissutaapput oqitsut aluminiumik sanaajusut, inunnit marlunnit nammanneqarsinaasutut naatsorsuussaasut, tamatumalu taakkua sumiiffinni inoqanngitsuni tikikkuminaatsunilu atoruminartuutippai. Katersuissutit taamaattut nunarsuarmi sumiiffinni arlalinni upalungaarsimasunit, sinerissami nakkutilliisunit, qatserisartunit aamma umiarsualivimmi oqartussaasunit iluatsilluartumik atorneqarput.



### ***Vikoma Komara 20***

*Suussusaa: Disk katersuissut*

*Amerlassusai: 28*

Komara 20 katersuissut Vikoma-meersoq tassaavoq oliofilisk disk katersuissut tamatigoortoq, avatangiisini amerlanerni atorneqarsinnaasoq, nalunaaquttap akunneranut 23m<sup>3</sup> angullugu katersuinissamut sukkassuseqarluni aammalu 98 % tikillugu katersuisinnaassuseqarluni.





**Delta  
Katersuinermi  
periaaseq**

*Suussusaa:*

*Amerlassusai: 28*

Delta katersuinermi periaaseq tassaavoq immikkoorluni kililersugaanngitsumik katersuissut puttasooq, imaani ikkattumi aammalu sumiiffinni tikikkuminaatsuni ator neqartussasut immikkut ilusilersugaasoq. Periaaseq atorlugu nalunaaquttap akunneranut 24m<sup>3</sup> angullugu katersuisoqarsinnaavoq. Delta katersuissutip oqitsumik sananeqaateqarnerata sissami saliinermut, sinerissami suliaqarnernut aammalu nunniukkat eqqaanni kiisalu tassini, tasinngortani, umiarsualivinni, kuussuarni aamma tatsini aammalu kuunni immikkut atoruminartuutippaa. Aamma eqimalluinnartutut ilusilersugaagami periaaseq tankini ator neqarsinnaavoq aammalu uuliat oqimaatsut imaluunniit mingutsitsinerit puttasut allat sukkasuumik peersinnaallugit.



**Fastank**

*Suussusaa:  
uninngasuuteqar  
ner-mi periaaseq*

*Amerlassusai: 48*

Fastanks tassaapput utaqqiisaasumik uninngasuuteqarnermi periaatsit, minutsit arlaqanngitsut ingerlaneranni katersorneqarsinnaasut aammalu uuliakoornep kingorna saliinermut atatillugu uuliamik uninngasuuteqarnissamut pitsaalluinnartut. Periaaseq orrajaappooq aammalu maniilattumut inissinneqarsinnaalluni aamma tamatuma kingorna eqqiaruminartuulluni.

Atortut matuma siuliani taaneqartut saniatigut Greenland Oil Spill Response akuutissanik uumaatsunik imerpalasunik akoorutaasussanik Dasic Slickgone NS-imik nalunaaqutaqartunik annertuunik kiisalu inuit illersuutitut atortussaannik aamma sissami sinerissamilu saliinermut atortunik atugassaqqarpoq. Dasic Slickgone akuutissat uumaatsut akoorutissat ator neqarnerpaat ilagaat (type 3) aammalu uulianut assigiinngitsorpasuarut tupinnaannartumik sunniuteqarluartuullutik, ilanngullugit aamma uuliat oqimaatsut aamma uuliat nillernerusumuunniit akuliuttartut.



## Ingerlatseqatigiiffiup aqutsisui

### Siulersuisut

Greenland Oil Spill Response  
Namminersorlutik Oqartussat  
ingerlatseqatigiiffimmi pitsaasumik  
aqutsinermut malittarisassaannut  
naapertuuttumik ingerlanneqarpoq.

Siulersuisuni ilaasortat  
aningsarsiaqartinneqarneranni  
ilaasortat nalinginnaasut ukiumut  
50.000 koruuninik  
aalajangersimasumik  
akissarsiaqartinneqarput, siulittaasup  
tullia ukiumut 75.000 koruuninik  
akissarsiaqartinneqarpoq aammalu  
siulittaasoo ukiumut 150.000  
koruuninik akissarsiaqartinneqarpoq.  
Akissarsiarititat Greenland Oil Spill  
Response-mut piginnittut  
inassuteqaataannut naapertuupput.

Greenland Oil Spill Response-mut  
siulersuisut ukiumut sisamariarlutik  
siulersuisuni ataatsimiittarput.

Siulersuisut ukiut tamaasa  
"imminut naliliiffigineq"  
ingerlattarpaat aammalu aktiaatilik,  
Namminersorlutik Oqartussat,  
angusat inassuteqaatillu pillugit  
nalunaarfigisarlugu.



**Steen Ove Hansen**  
*Siulittaasooq*

Stenca Trading-imi  
tuniniaanermut  
aamma  
inuussutissarsiornermi  
mut pisortaq

- Tatigineqaatit suliat allat:  
Masava Kemi (BM), Alslev Rustfri  
Montage (BM), AMU-vest (BM).

- Piginnaaneqarnera:  
Inuussutissarsiornermi  
ineriartortitsinermut,  
ingerlasussanik piareersaanermut  
aamma sinerissap avataani  
suliffissuaqarnermut atituumik  
ilisimasaqarnek, ilanngullugu  
Kalaallit Nunaanni ingerlasussanik  
piareersaanermut aamma  
inuussutissarsiornermik  
ineriartortitsinermut annertuumik  
ilisimasaqarnek.

- Pisinnaasaqarnera:  
Nassiussassanik  
naammassinnittartutut aamma  
tyskisut aamma tuluttut  
tusagassiisartutut  
ilinniagaqarsimasooq, ukiut 20+  
Danmarkimit, Savalimmiunit  
aamma Kalaallit Nunaannit  
ingerlasussanik piareersaasarerup  
aamma sinerissap avataani  
suliaqarnerup iluanni  
misilittagaqarpoq



**Oddbjørg Varhaug Greiner**

*Siulittaasup tullia*  
Siunnersorti  
namminersortoq

- Tatigineqaatitut suliat allat: soqanngilaq

- Piginnaaneqarnera: Uuliamik mingutsitsinermik akiuniarnermut, uuliamik mingutsitsinissamut upalungaarsimanermut, aatsitassarsiorluni ingerlataqarnermut annertuumik ilisimasaqarpoq kiisalu sinerissap avataani suliasaqarfimmut aamma Norgemi piunasaqaatinut Kalaallit Nunaanni oqartussaasut sinerissap avataani ingerlatanut atatillugu malittarisassatut atugaannut atituumik ilisimasaqarluni.

- Pisinnaasaqarnera: NTNU-mit ujarassiuutut ilinniagaqarpoq, ukiut 20+ Norgemi aamma nunani tamalaani uuliasiorluni misissuinermi misilittagaqarpoq, Norgep nunavittaani Offshore Installation Manager-itut ukiut 8-it misilittagaqarpoq aammalu NOFO-mi suliaqarnermut pisortatut ukiut 5-it misilittagaqarluni



**Hanne Berthels**

Air Greenland-imi  
Chief Controller

- Tatigineqaatitut suliat allat: soqanngilaq

- Piginnaaneqarnera: Aningaasaqarnermik aqutsisinermit aamma naatsorsuuserinermit annertuumik ilisimasaqarpoq kiisalu Kalaallit Nunaanni pissutsinut, suliniutinik aqutsinermit aamma periusissatigut ineriartortitsinermik atituumik ilisimasaqarluni.

- Pisinnaasaqarnera: Niuernermik Ilinniarsimmit Suliffeqarfinni aningaasaqarnermi Merkonom-itut ilinniarsimavoq, kiisalu Paris-imi CEDEP-imi General Management Programme aamma Ilisimatusarfimmi cand. scient. adm.-imi fag-it ataasiakkaat ilinniaqqiffigisimallugit. Ukiut 20+ Air Greenland-imi aningaasaqarnermi aqutsinermik misilittagaqarpoq.



## Pisortat

Greenland Oil Spill Response-p pisortaa, Lonnie Bogø Wilms 2013-imi atorfinippoq. Pisortaq ukiumut pensionisiassat ilanngullugit aalajangersimasumik 530.194 koruuninik aningaasarsiaqarpoq kiisalu akeqanngitsumik ineqartinneqarluni.

Nalunaarasuartaatinut aningaasartuutit Greenland Oil Spill Response-mit tamatumunnga maleruagassat nalinginnaasut malillugit matussuserneqartarput. Pisortamut soraarniuteqarnissamut ilimasaarinissamut piffissaliusseq ingerlatseqatigiiffiup tungaaniit qaammatit 6-upput aammalu pisortap tungaaniit qaammatit 4-iullutik. Ajunngitsorsiassanut aaqqissuussamik imaluunniit ukiut killissaannik isumaqatigiissuteqartoqanngilaq.



**Lonnie Bogø Wilms**

Greenland Oil Spill Response A/S-  
imut pisortaaneq

- Tatigineqaatit suliat allat: soqanngilaq

- Piginnaanegarnera: Kalaallit Nunaanni upalungaarsimanermut aamma aatsitassarsiorluni ingerlatanut, uuliakoornermik akiuiniarnissamut upalungaarsimaneq ataatsimut isigalugu immikkut ilisimasaqarpoq, Kalaallit Nunaanni pissutsinut, nunani tamalaani isumaqatiginninniarnermut aamma sinerissap avataani isumannaallisaanermut peqqinnissamullu ilisimasaqarneq

- Pisinnaasaqarnera: Syddansk Universitet-imit Cand. negot-itut, Bergen Høgskole-mit Bachelor-itut, Stanford Center for Professional Development-imit Professional certificate in Risk Management and Decision Making-itut ilinniarsimavoq. Uuliamik mingutsitsinissamut upalungaarsimanermi aamma Kalaallit Nunaanni upalungaarsimaneq ataatsimut isigalugu ukiuni 5-ini misilittagaqarpoq, taamatullu Danmarkimi timmisartunut isumannaallisaanermi ukiuni 2-ini misilittagaqarluni.





## Naatsorsuusiormi suleriaaseq atorpeqartoq

Greenland Oil Spill Response-mut ukiumoortumik nalunaarusiaq aktiaatileqatigiiffinnut naalagaaffimmit pigineqartunut maleruagassanik atuisarneq pillugu Kalaallit Nunaannut nalunaarut (ilaatitsinnginnissamut aalajangersagaq) naapertorlugu klasse B-nik suliaqarnernut ukiumoortumik naatsorsuusiormut inatsimmi aalajangersakkanut naapertuuttumik suliarineqarpoq. Tamatuma saniatigut suliffeqarfiup klasse C-nik suliaqarnernut maleruagassat ataasiakkaat malinniarlugit toqqarsimavaa.

Ukiumoortumik nalunaarusiaq ukioq kingulleq naatsorsuutitut suleriaatsip assinga malillugu saqqummiunneqarpoq aammalu danskit koruuniat atorlugu saqqummiunneqarluni.

### **Ilanngussineq uuttortaanerlu pillugit nalinginnaasumik**

Angusanut naatsorsuineri isertitat isertinneqarneri ilutigalugu naatsorsuineri ilanngunneqartarput. Tassunga ilanngullugu aningaasatigut pigisat nalillit aamma pisussaaffiit nalingisa iluarsineri naatsorsuineri ilanngunneqartarput. Angusanut naatsorsuineri taamatuttaaq aningaasartuutit tamarmik naatsorsuineri ilanngunneqartarput, ilanngullugit nalikilliliinerit, appartitsinerit aamma pisussaaffiit illuartitat kiisalu aningaasartuutit siusinnerusukkut angusanut naatsorsuineri ilanngunneqareersimasut naatsorsuutitigut naliliiffiqineqarnerisa malitsigisaanik utertitsinerit.

Pigisat nalillit siunissami aningaasaqarnikkut iluaqutissartaasut ingerlatseqatigiiffimmut iluaqutaanissaat ilimanaateqarsimappat aammalu pigisat nalillit nalingat tutsuiginartutut uuttorneqarsinnaappata, oqimaaqatigiisitsineri ilanngunneqartarput.

Pisussaaffiit siunissami aningaasaqarnikkut iluaqutissartaasut ingerlatseqatigiiffimmut iluaqutaassanngitsut ilimanaateqarpat aammalu pisussaaffiit nalingat tutsuiginartutut uuttorneqarsinnaappat, oqimaaqatigiisitsineri ilanngunneqartarput.

Naatsorsuineri ilanngussineri siullermi pigisat nalillit aamma pisussaaffiit akiviusunut uuttorneqartarput. Tamatuma kingorna pigisat nalillit aamma pisussaaffiit matuma kingulliani nassuiarneqartutut naatsorsuutini allanneqartunut ataasiakkaanut tamaginnut uuttorneqartarput.

Naatsorsuineri ilanngussineri aamma uuttuineri annaasassat aarlerinaataasullu siumoortumik eqqoriarneqarsinnaasut, ukiumoortumik naatsorsuutit saqqummiunneqarnissaat sioqqullugu takuneqarsinnaasut aammalu pissutsinut ulloq oqimaaqatigiisitsiviusoq piusunut tunngassuteqartut eqqarsaatigineqartarput.

## Angusanik naatsorsuineq

### **Ilanngaaseereernermi kaavilaartitat**

Ilanngaaseereernermi kaavilaartitat, pisisumut tunniussineq aamma aarlerinaataasunik ikaarsaartitsineq ukiup naannginnerani pisimappata aammalu isertitat tutsuiginartutut naatsorsorneqarsinnaappata tiguneqassasullu naatsorsuutigineqarpat, angusanut naatsorsuineri ilanngunneqartarput. Ilanngaaseereernermi kaavilaartitat ilanngunneqarnerani moms aamma akitsuutit ilanngunneqartanngillat aammalu tunisineri atillugu akikillisaanerit



ilanngaatigineqartarlutik.

### **Aningaasartuutit avataaneersut allat**

Aningaasartuutini avataaneersuni allani ilaapput siammarterineranut, tuniniaanermut, ussassaarineranut, allaffissornermut, ininut aamma akiligassaqartunit annaasanut aningaasartuutit.

### **Sulisunut aningaasartuutit**

Sulisunut aningaasartuutini ilaapput aningaasarsiat aamma akissarsiat, ilanngullugit sulingiffeqarnermusiassat aamma pensionisiassat kiisalu ingerlatseqatigiiffimmi sulisunut inooqatigiinnermi isumannaallisaatinut il.il. aningaasartuutit allat. Sulisunut aningaasartuutini pisortani oqartussaasunit ajunngitsorsiassat tiguneqartut ilanngaatigineqarput.

### **Nalikilliliinerit appartitsinerillu**

Nalikilliliinerit appartitsinerillu imaraat ukiumi nalikilliliinerit aamma appartitsinerit kiisalu atortussatigut sanaartukkani pigisanik tunisinermi annaasat.

### **Aningaasatigut naatsorsuutini allattukkat**

Aningaasatigut naatsorsuutini allattukkani ilaapput ernianit isertitat aamma aningaasartuutit kiisalu aningaasat nalinginit iluanaarutit aamma aningaasatigut pigisanut aamma pisussaaffinnut tunngatillugu annaasat piviusunngortinneqartut aamma piviusunngortinneqanngitsut. Aningaasatigut isertitat aamma aningaasartuutit, ukiumut naatsorsuusiorfiusumut tunngasunik aningaasartalerlugit angusanut naatsorsukkani ilanngunneqartarput.

### **Ukiu moortumik angusat akileraaruserneqarnerat**

Ukiu akileraarutit tassaasut ukiumi ingerlatseqatigiiffiup akileraarutigisimasai aamma akileraarutini kinguartitani allannguutit, ukiumi angusanut tunngasortaanut tunngatinneqarsinnaasoq, aammalu toqqaannartumik nammineq aningaasaatini allattukkanut tunngatinneqarsinnaasumut tunngasut toqqaannartumik nammineq aningaasaatini naatsorsuineri ilanngunneqassapput.

## **Oqimaaqatigiissitsineq**

### **Atortut sanaartukkanit pigisat nalillit**

Atortut sanaartukkanit pigisat akiviannut nalikilliliinerit aamma appartitsinerit ataatsimoortut ilanngaatigalugit uuttorneqartarput.

Nalikilliliinerimut tunngavisoq tassaavoq akiviusoq atuinermut piffissap naareernerata kingorna nalingata sinnerisassaatus naatsorsuutigineqartoq ilanngaatigalugu.

Akiviusumi ilaapput pisiarinerani akiviusoq kiisalu pigisap nalillip atorineqalernissaminut piareernissaa tikillugu aningaasartuutit pisiarineranut toqqaannartumik attuumassuteqartut.

Uuliakoornermik akiuiniarnermut atortut sanaartukkatut pigisatut nalilittut attartortittagassatut isigineqarput, tassani attartortut atortunik atuereernerminni iluserisimasaattut isikkoqartillugit utertinnissaannut aningaasartuutini akiliisassallutik. Atortut ukiut 10-it ingerlaneranni nalinganut nalikillilerneqarsinnaasumut minnerpaamut 50%-imut tulleriissaartumik



nalikillilerneqartassapput.

Annertoqqatigiikkuutaartumik nalikilliliisoqartassaaq pigisat nalillit piffissaq atorneqarfissaattut naatsorsuutigineqartup aamma nalingisa sinnerisa naliliiffigneri makkua aallaavigalugit:

Uuliakoornermik akiuiniarnermut atortut	Piffissaq atorneqarfissaa Ukiut 10-it	Nalingata sinnera 50 %
--	--	---------------------------

Pigisat annikitsut ukioq ataaseq inorlugu atorneqartussatut naatsorsuutigineqartut imaluunniit ataaseq kr. 15.000 inorlugit akeqartut, angusanut naatsorsuineri aningaasartuutitut ukiumi pisiarineqarfianni ilanngunneqartarput.

Sanaartukkat pigisat nalillit atortussat tunineqarneranni iluanaarutit imaluunniit annaasat, tunisineri akiusup tunisineri aningaasartuutit ilanngaatalugit aamma piffissami tunisiviusumi naatsorsuutitigut nalingata nikingassutaattut naatsorsorneqassapput. Iluanaarutit imaluunniit annaasat nalikilliliineri angusanik naatsorsuineri ilanngunneqassapput.

### **Nioqqutissat uninngasuutigineqartut**

Nioqqutissat uninngasuutigineqartut tassaapput uuliakoornermik akiuiniarnermut atortut atorneqarnerminni nungullugit atorneqartartut, soorlu assersuutigalugu ikummatissaq, akuutissat uumaatsut, puttasut assiaqutsersuutit uuliamik milluaasartut, atisat ataasiaannaq atorneqartartut il.il. aammalu akiviusumut uuttorneqartartut.

### **Pissarsiassat**

Tunisinermit aamma kiffartuussinermi pissarsiassat akilersuineri akiviusumut uuttorneqassapput, taannalu nalinginnaasumik nalinganut allassimasumut naapertuuttarpoq. Annaasaqarnissamik naatsorsuutigisaqarnerup pinngitsoortinnissaa siunertaralugu ilanngaaseereernermi tunisineri pissarsiassanut annikillilerisoqartarpoq.

### **Aningaasaatit tigorianaanaat uninngasuutit**

Aningaasaatit tigorianaanaat tassaapput aningaasaatit tigorianaanaat uninngasuutigineqartut aammalu appiaqqat nalillit qanittumi akilerneqartussat, qaammatit 3-it inorlugit atuuttussat, aammalu akornuteqanngitsumik aningaasannorlugit uninngasuutissatut aggortinneqarsinnaasut, aammalu nalingisa allannguuteqariataarsinnaanerit eqqarsaatigalugu pingaaruteqanngitsut.

### **Ingerlatseqatigiiffimmut akileraarut aamma akileraarutit kinguartitat**

Maannakkut akileraarutit pissarsiassat aamma pisussaaffiusut, ukiumi akileraaruteqaataasussatut isertitassatut naatsorsuutigineqartut, ukiuni siusinnerusuniittuni akileraaruteqaataasussatut isertitanut akileraarutinik iluarsillugit, tunngavigalugit naatsorsorneqarsinnaasumik aningaasartalerlugit oqimaaqatigiissitsineri ilanngunneqarput.

Akileraarutit kinguartitat tassaapput pigisat nalillit naatsorsuutitigut akileraarutitigullu nalingata aamma pisussaaffiit pigisanik nalilinnik atuinissamik pilersaaruteqarneq tunngavigalugu



naatsorsugaasut aamma pisussaaffiup naammassereernerata assigiinngissutigigallagaannit akileraarutit.

Akileraarutinit pigisat nalillit kinguartitat, ilanngullugit akileraarutitigut amigartoorutit saqqummiunneqarsinnaatitaasut akileraarutitigut nalingat, siunissami isertitassanut akileraarutitik nalimmassaanikkut imaluunniit akileraaruteqarfiusussami inatsisitigut assigisaani akileraaruteqarnissamik pisussaaffimmik kinguartitamik ilanngaaticinnikkut, nalinganut atornerarfissaattut naatsorsuutigineqartumut naatsorsuinermi ilanngunneqassapput.

Akileraarutit kinguartitat akileraarutitut maleruagassat aamma akileraarutitut akigititat, ulloq oqimaaqatigiissitsiviusoq, akileraarutit kinguartinneqartut maannakkut akileraarutitut akilernerqartussanngortutut naatsorsuutigineqarpat, inatsit atuuttoq malillugu atuuttut, tunngavigalugit uuttorneqarput.

### **Akiitsut pisussaaffiusut**

Akiitsut pisussaaffiusut allat, pilersuisunut akiitsunut kiisalu akiitsunut allanut tunngasut, naafferartumik akilersuinermi akiviusunut uuttorneqarput, tamannalu nalinginnaasumik nalinganut atuuteqqaartumut naapertuuttarpoq.



## **Aningaasat ingerlaarnerannut naatsorsuineq**

Aningaasat ingerlaarnerannut naatsorsuinermi ingerlatseqatigiiffiup ukiumi aningaasanik ingerlaartitsineranik takutitsivoq, agguarlugit ingerlatsinermi ingerlatanut, ukiumi aningaasaliinermi ingerlatanut aamma aningaasalersuinermi ingerlatanut, ukiumi aningaasat tigorianaanaat nikinnerannut kiisalu ukiup aallartinnerani aamma naanerani aningaasanut tigorianaannanut.

Suliffeqarfinnik pisinermi aamma tunisinermi aningaasaatini tigorianaannarni sunniutaasut, aningaasaliinerni ingerlatanit aningaasanik ingerlaartitsinerup ataani immikkut takutinneqarput. Aningaasat ingerlaarnerannut naatsorsuinermi aningaasat ingerlaarneri piffissami pisiffiusumi suliffeqarfinnut pisarineqartunut tunngassuteqartut naatsorsuinermi ilanngunneqarput aamma aningaasat ingerlaarneri suliffeqarfinnut tunisanut tunngassuteqartut piffissaq tunisiffiusoq tikillugu naatsorsuinermi ilanngunneqarput.

### **Ingerlatsinermi ingerlatanit aningaasat ingerlaarneri**

Ingerlatsinermi ingerlatanit aningaasat ingerlaarneri, ingerlatsinermut allattukkanut aningaasaanngitsunut, ingerlatsinermi aningaasaatit allannguuteqarnerannut kiisalu ingerlatseqatigiiffiup akileraarutaannut akilikkanut iluarsillugit, ukiumi angusatut naatsorsorneqarput.

### **Aningaasaliinernik suliaqarnernit aningaasat ingerlaarnerat**

Aningaasaliinernik suliaqarnernit aningaasat ingerlaarneranni ilaatinneqarput suliffeqarfinni ingerlatanilu pisinernut tunisinernullu atatillugu akiliutit kiisalu sanaartukkanik pigisanik pisineq aamma tunisineq.

### **Aningaasalersuinermi ingerlatanit aningaasat ingerlaarneri**

Aningaasalersuinermi ingerlatanit aningaasat ingerlaarnerini ilaapput ingerlatseqatigiiffiup aningaasaataasa annertussusaanni imaluunniit katitigaanerani allannguutit aammalu tassunga atatillugu aningaasartuutit. Tamatuma saniatigut aningaasat ingerlaarneranni ilaapput taarsigassarsinerit, akiitsunik erniaqartunik akilersuissutit aamma ingerlatseqatigiiffimmi peqataasunut pissarsiassanik akiliutit.

### **Aningaasat tigorianaanaat**

Aningaasani tigorianaannarni ilaapput aningaasaatit uninngasuutigineqartut aningaaserivinnut akiitsut piffissami sivikitsumi akilernerqartussat ilanngaatilugit kiisalu pappiaqqat nalillit piffissami sivikitsumi piusussat akornuteqanngitsumik aningaasaatinut uninngasuutigineqartunut kaaviiartinneqarsinnaasut, aammalu nalingsa allannguuteqarsinnaanerit annikitsuinnarmik aarlerinaateqartut.



## Angusat naatsorsorneqarnerat 1. januar - 31. december

<u>Nassuiaat</u>	<u>2014</u>	<u>2013</u>
Ilangaaseereerluni kaaviiartitat	3.957.641	2.951.200
Aningaasartuutit avataaneersut allat	<u>-1.933.157</u>	<u>-1.395.918</u>
<b>Ilangaasiinnginnermi angusat</b>	<b>2.024.484</b>	<b>1.555.282</b>
1 Sulisunut aningaasartuutit	-1.535.408	-831.402
2 Atortutigut sanaartornermi pigisanik nalikilliliineq appartitsinerlu	<u>-925.000</u>	<u>-925.000</u>
Ingerlatsinermi angusat	-435.924	-201.120
Aningaasatigut isertitat allat	101.157	130.838
3 Aningaasatigut aningaasartuutit allat	<u>-249</u>	<u>-26</u>
<b>Akileraaruteqannginnermi inenera</b>	<b>-355.016</b>	<b>-70.308</b>
4 Ukiumi angusanit akileraarut	<u>106.429</u>	<u>22.358</u>
<b>Ukiumi inenera</b>	<b><u>-228.587</u></b>	<b><u>-47.950</u></b>
<b>Inernerinik atuinissamut siunnersuut</b>		
Inernerinut nuutanit atorpeqarput	<u>-228.587</u>	<u>-47.950</u>
<b>Atorpeqarput katillugit</b>	<b><u>-228.587</u></b>	<b><u>-47.950</u></b>



## 31. december oqimaaqatigiissitsineq

	<b>Pigisat nalillit</b>	<u>2014</u>	<u>2013</u>
Nassuiaat			
	<b>Sanaartukkanit pigisat nalillit</b>		
5	Uuliakoornermik akiuiniarnermut atortut	<u>16.187.500</u>	<u>17.112.500</u>
	Atortussat sanaartukkanit pigisat nalillit katillugit	<u>16.187.500</u>	<u>17.112.500</u>
	Qularnaveeqqusiussat	<u>81.666</u>	<u>53.166</u>
	Aningaasaqarnermi sanaartukkanit pigisat nalillit katillugit	<u>81.666</u>	<u>53.166</u>
	<b>Sanaartukkanit pigisat nalillit katillugit</b>	<b><u>16.269.166</u></b>	<b><u>17.165.666</u></b>
	<b>Kaaviiartitanit pigisat nalillit</b>		
	Nioqqutissat uninngasuutigineqartut	<u>1.462.500</u>	<u>1.462.500</u>
	Nioqqutissat uninngasuutigineqartut katillugit	<u>1.462.500</u>	<u>1.462.500</u>
	Tunisinermit aamma kiffartuussinernit pisassat	772.004	662.924
	Pisassat allat	<u>155.663</u>	<u>61.999</u>
	Pisassat katillugit	<u>927.667</u>	<u>724.923</u>
	Aningaasanngorlugit uninngasuutit	<u>1.829.917</u>	<u>1.232.487</u>
	<b>Kaaviiartitanit pigisat nalillit katillugit</b>	<b><u>4.220.084</u></b>	<b><u>3.419.910</u></b>
	<b>Pigisat nalillit katillugit</b>	<b><u>20.489.250</u></b>	<b><u>20.585.576</u></b>



## 31. december oqimaaqatigiissitsineq

Nassuiaat	Aningaasartuutit	2014	2013
	<b>Nammineq aningaasaatit</b>		
6	Suliffeqarfiup aningaasaatai	500.000	500.000
7	Ileqqoreqqusatigut sillimmatit	19.500.000	19.500.000
8	Inernerit nuutat	<u>22.056</u>	<u>250.643</u>
	<b>Nammineq pigisat katillugit</b>	<b><u>20.022.056</u></b>	<b><u>20.250.643</u></b>
	<b>Pisussaaffiit illuartitat</b>		
	Akilerarutitut kinguartitanut illuartitat	<u>10.334</u>	<u>116.869</u>
	<b>Pisussaaffiit illuartitat katillugit</b>	<b><u>10.334</u></b>	<b><u>116.869</u></b>
	<b>Akiitsunut pisussaaffiit</b>		
	Nioqqutissanik kiffartuussissutinillu pilersuisut	189.158	48.102
	Akiitsut allat	<u>267.702</u>	<u>169.962</u>
	Akiitsunut pisussaaffiit sivikitsumik killissaligaasut katillugit	<u>456.860</u>	<u>218.064</u>
	<b>Akiitsunut pisussaaffiit katillugit</b>	<b><u>456.860</u></b>	<b><u>218.064</u></b>
	<b>Aningaasartuutit katillugit</b>	<b><u>20.489.250</u></b>	<b><u>20.585.576</u></b>
9	<b>Kukkunersiuisumut ataatsimeersuarnermi toqqarneqartumut aningaasarsiarititassat</b>		
10	Suleqatit qanimut inissisimasut		





## Aningaasanik ingerlaartitsinermit naatsorsuineq

Nassuiaat	2014	2013
Ukiumi angusat	-228.587	-47.950
11 Iluarsinerit	717.663	771.830
12 Ingerlatsinermit aningaasaatini allannguutit	<u>36.052</u>	<u>-99.948</u>
Aningaasatigut allattukkat sioqqullugit ingerlatsinermit aningaasanik ingerlaartitsinerit	525.128	623.932
Ernianit akiliutit assigisaallu	101.157	130.838
Ernianit tunniussat assigisaallu	<u>-249</u>	<u>-26</u>
Nalinginnaasumik ingerlatsinermit aningaasanik ingerlaartitsineq	626.036	754.744
Ingerlatseqatigiiffiup akileraarutaa akilerneqartoq	<u>-106</u>	<u>0</u>
<b>Ingerlatsinermit ingerlatanit aningaasat ingerlaarnerat</b>	<b><u>625.930</u></b>	<b><u>754.744</u></b>
Aningaasaliinernik suliaqarnermi aningaasanik ingerlaartitsinerit allat (atorneqartut)	<u>-28.500</u>	<u>-53.166</u>
<b>Aningaasaliinermi ingerlatanit aningaasat ingerlaarnerat</b>	<b><u>-28.500</u></b>	<b><u>-53.166</u></b>
<b>Aningaasaatini tigorianaanni allannguut</b>	<b>597.430</b>	<b>701.578</b>
1. januar 2014 aningaasaatit tigorianaanaat	<u>1.232.487</u>	<u>530.909</u>
<b>31. december 2014 aningaasaatit tigorianaanaat</b>	<b><u>1.829.917</u></b>	<b><u>1.232.487</u></b>
<b>Aningaasaatit tigorianaanaat</b>		
Aningaasaatit tigorianaanaat uninngasuutigineqartut	<u>1.829.917</u>	<u>1.232.487</u>
<b>31. december 2014 aningaasaatit tigorianaanaat</b>	<b><u>1.829.917</u></b>	<b><u>1.232.487</u></b>



## Nassuiaatit

	<u>2014</u>	<u>2013</u>
<b>1 Sulisunut aningaasartuutit</b>		
Aningaasarsiat aamma akissarsiat	969.462	577.630
Pensionit	71.651	34.615
Isumaginninnikkut qulakkeerinissamut aningaasartuutit allat	8.601	4.845
Sulisunut aningaasartuutit allat	<u>485.694</u>	<u>214.312</u>
	<b><u>1.535.408</u></b>	<b><u>831.402</u></b>
Pisortat	514.999	402.813
Siulersuisut	<u>275.000</u>	<u>200.000</u>
	<b><u>789.999</u></b>	<b><u>602.813</u></b>
Sulisut sulisorineqartut agguaqatigiissillugu amerlassusaat	<u>2</u>	<u>1</u>
<b>2 Atortutigut sanaartornermi pigisanik nalikilliliinerit appartitsinerillu</b>		
Uuliakoornermik akiuiniarnermut atortuni nalikilliliinerit	<u>925.000</u>	<u>925.000</u>
	<b><u>925.000</u></b>	<b><u>925.000</u></b>
<b>3 Aningaasatigut aningaasartuutit allat</b>		
Aningaasatigut aningaasartuutit allat	<u>249</u>	<u>26</u>
	<b><u>249</u></b>	<b><u>26</u></b>
<b>4 Ukiumi angusanut akileraarutit</b>		
Ukiumi akileraarutininik kinguartitanik iluarsineq	-106.535	-22.358
Ukioq kingulleq akileraarutininik iluarsineq	<u>106</u>	<u>0</u>
	<b><u>-106.429</u></b>	<b><u>-22.358</u></b>



## Nassuiaatit

<b>5</b>	<b>Sanaartukkanit pigisat nalillit atortussat</b>		<b>Oliespilds- bekæmpelses- udstyr</b>
	1. januar 2014 akiviusoq		18.500.000
	<b>31. december 2014 akiviusoq</b>		<b><u>18.500.000</u></b>
	1. januar 2014 nalikilliliinerit aamma annikilliliinerit		1.387.500
	Ukiumi nalikilliliinerit		<u>925.000</u>
	<b>31. december 2014 nalikilliliinerit aamma annikilliliinerit</b>		<b><u>2.312.500</u></b>
	<b>31. december 2014 naatsorsuutitigut nalinga</b>		<b><u>16.187.500</u></b>
<b>6</b>	<b>Suliffeqarfimmi aningaasaatit</b>		
	Suliffeqarfimmi aningaasaatit 1. januar 2014	500.000	500.000
		<b><u>500.000</u></b>	<b><u>500.000</u></b>
	Aktiaatinit aningaasaatit tassaapput aktiat 50.000-it tamarmik immikkut 10 koruuneqartut taakkualu amerlisinneri. Aningaasaatit suussutsinut agguarneqanngillat.		
<b>7</b>	<b>Ileqqoreqqusatigut sillimmatit</b>		
	1. januar 2014 ileqqoreqqusatigut sillimmatit	19.500.000	19.500.000
		<b><u>19.500.000</u></b>	<b><u>19.500.000</u></b>
<b>8</b>	<b>Angusat nuutat</b>		
	1. januar 2014 angusat nuunneqartut	250.643	298.593
	Ukiumi sinneqartoorutit imaluunniit amigartoorutit nuutat	<u>-228.587</u>	<u>-47.950</u>
		<b><u>22.056</u></b>	<b><u>250.643</u></b>



## Nassuiaatit

	<u>2014</u>	<u>2013</u>
<b>9 Kukkunersiuismut ataatsimeersuarnermi toqqarneqartumut aningaasarsiarititassat</b>		
Grønlands Revisionskontor A/S, kukkunersuiartut naalagaaffimmit akuerisaasut	<u>99.925</u>	<u>93.400</u>
Inatsisitigut pisussaaffiusumik kukkunersuiinermut aningaasarsiarititassat	25.000	25.000
Sullississutinut allanut aningaasarsiarititassat	<u>74.925</u>	<u>68.400</u>
	<b><u>99.925</u></b>	<b><u>93.400</u></b>
<b>10 Suleqataasut qanittumik inissisimasut</b>		
Ukua minnerpaamik taasisussat 5 %-iannik imaluunniit minnerpaamik ingerlatseqatigiiffiup aningaasaataasa 5 %-iannik piginnittutut ingerlatseqatigiiffiup allattuiffiani allassimapput:		
Namminersorlutik Oqartussat, Imaneq 4, 3900 Nuuk		
<b>11 Iluarsiiinerit</b>		
Atortutigut aamma atortutiguunngitsoq sanaartukkani pigisani nalikilliliinerit appartitsinerillu	925.000	925.000
Aningaasatigut isertitat allat	-101.157	-130.838
Aningaasatigut aningaasartuutit allat	249	26
Ukiumi angusani akileraarutit	<u>-106.429</u>	<u>-22.358</u>
	<b><u>717.663</u></b>	<b><u>771.830</u></b>
<b>12 Ingerlatsinermi aningaasaatini allannguutit</b>		
Pisassani allannguutit	-202.744	-206.742
Pilersuisuni akiitsuni aamma akiitsuni allani allannguutit	<u>238.796</u>	<u>106.794</u>
	<b><u>36.052</u></b>	<b><u>-99.948</u></b>